

## ATODLEN 3

### BYRDDAU GWASANAETHAU CYHOEDDUS: DARPARIAETH BELLACH

#### *Cylch gorchwyl*

- 4 (1) Yn y cyfarfod cyntaf, rhaid i fwrdd gwasanaethau cyhoeddus gyuno ar ei gylch gorchwyl.
- (2) Rhaid i'r cylch gorchwyl gynnwys—
- y weithdrefn i'w dilyn mewn cyfarfodydd dilynol i'r graddau nad yw wedi ei phennu yn y Ddeddf hon;
  - amserlen arfaethedig ar gyfer cyfarfodydd dilynol;
  - y weithdrefn ar gyfer gwahodd personau i gyfranogi o dan adran 30 i'r graddau nad yw wedi ei phennu yn y Ddeddf hon;
  - cynigion mewn perthynas â'r ffordd y mae'r bwrdd yn bwriadu cynnwys cyfranogwyr gwadd a'i bartneriaid eraill;
  - cynigion ar gyfer cynnwys personau sydd, ym marn y bwrdd, â diddordeb mewn gwella llesiant economaidd, cymdeithasol, amgylcheddol a diwylliannol yr ardal (yn ogystal ag ymgynghori â phersonau o'r fath yn unol ag adrannau 38(1)(k) a 43(1)(k));
  - cynigion ar gyfer sefydlu un is-grŵp neu fwy gan gynnwys manylion y swyddogaethau i'w harfer gan unrhyw is-grŵp ar ran y bwrdd (ond gweler paragraff 6);
  - y weithdrefn ar gyfer datrys anghytuno rhwng aelodau mewn perthynas ag arfer swyddogaethau'r bwrdd;
  - unrhyw delerau eraill mewn perthynas â gweithrediad y bwrdd sy'n briodol yn nhyb yr aelodau.
- (3) O ran bwrdd gwasanaethau cyhoeddus—
- rhaid iddo adolygu ei gylch gorchwyl ym mhob cyfarfod a gynhelir o dan baragraff 3(1), a
  - caiff ei adolygu mewn unrhyw gyfarfod arall.
- (4) Yn dilyn adolygiad, caiff bwrdd gwasanaethau cyhoeddus ddiwygio ei gylch gorchwyl.